



Partnerstvo (životne zajednice)

U Švicarskoj su priznati razni oblici suživota. Za vjenčanje je potrebna starosna dob od najmanje 18 godina. Bračni drugovi su pred zakonom jednaki.

Zajednički život

U Švicarskoj su se oblici zajedničkog života posljednjih decenija jako promijenili. Parovi žive često zajedno, a da pri tome nisu vjenčani (Konkubinat | concubinage) i imaju zajedno djecu. Jasna podjela uloga između partnera (muškarac/žena) ne postoji. Istopolna partnerstva su prihvaćena i pravno priznata.

Brak / zajednica istopolnih parova

U Švicarskoj morate napuniti 18 godina da bi mogli stupiti u brak. Onaj ko želi da se vjenča mora se obratiti matičnoj službi koja je nadležna za opštinu u kojoj se živi i podnijeti zahtjev. Matični ured pokreće proces pripreme braka (administrativna priprema). Pri tom se provjerava da li postoje zakonske prepreke za brak (Ehefähigkeit). Matični ured obavještava detaljno o postupku i o potrebnim papirima. Po završetku ove pripreme partneri se trebaju vjenčati u roku od 3 mjeseca. U slučaju da jedna osoba, koja stupa u brak živi u inostranstvu, može se postaviti zahtjev da ta osoba doputuje u svrhu pripreme vjenčanja. Istopolni parovi su mogli da registruju svoje partnerstvo u matičnom uredu do 30. juna 2022. godine, što podrazumeva slična prava i obaveze kao i brak. Od 1. jula 2022. godine dozvoljeno je sklapanje braka istopolnim parovima. Registrovano partnerstvo koje je prethodno zaključeno se može preinačiti u bračnu zajednicu.

Prava i dužnosti

U braku su supružnici po zakonu ranopravni i imaju ista prava i dužnosti. Oba supružnika se moraju vjenčati svojom slobodnom voljom. Saznaju li vlasti da je neko bio primoran da stupi u brak (Zwangsheirat | Mariage forcé), taj brak se može proglasiti nevažećim i dotične osobe kazniti. Ukoliko se neko osjeća prisiljenim da stupi u brak ili da nastavi živjeti u braku, u tom slučaju treba potražiti pomoć. U tom slučaju se možete obratiti Savjetovalištu za podršku žrtvama ili Centru za prisilni brak (0800 800 007).



Planiranje porodice

Za pitanja u vezi sa planiranjem porodice, trudnoćom i seksualnosti postoje u Kantonu Bern specijalizovana savjetovaništa koja se nalaze u raznim regijama. Tu se mogu dobiti besplatni i diskretni savjeti na teme kao što su kontracepcija, seksualni problemi, neželjena trudnoća ili spolna oboljenja. Savjete mogu takođe dobiti osobe sa djecom ili budući roditelji.

Razvod braka

Razvod braka (Scheidung|divorce) mogu tražiti oba partnera zajedno ili samo jedan od njih. Za razvode brakova su nadležni Regionalni sudovi. I brakovi koji su zaključeni u inostranstvu mogu se razvesti po švicarskom zakonu. U tom slučaju prebivalište supružnika treba biti najmanje godinu dana u Švicarskoj. Razvod braka može imati uticaja na status boravka ili tekući proces za dobijanje državljanstva. Da li strani državljani poslije razvoda braka mogu ostati i dalje u Švicarskoj, zavisi od raznih faktora. Za žrtve nasilja u porodici primjenjuju se posebna pravila. Za informacije o razvodu braka može se obrati u savjetovanište za brak i porodice ili u savjetovanište za pravne informacije.

Više informacija (linkovi, adrese, brošure, informacioni listovi)

www.hallo-bern.ch/hr/partnerstvo-i-djeca/partnerstvo-ivotne-zajednice